

白
華
前
稿

白華前稿卷第三十

南淮一吳省欽 沖之

古今體詩南船集一

屠維單闋

雞樹栖遲三改候火春暉奄逝予季始自楚抵都
南船返旆割崇讓宅三數椽以居其地在郡西郭
之錢涇橋負土無期麻衣遠適凡五十日而達長
沙明年十月始返取道自南蓋無非船焉者

爲秀水錢編修蘚石載題畫二首

會稽王元章墨梅

枯梅一樁春一團冰花箇箇生春寒朔風吹雪大如掌
絮衣夢擁江南山玉堂仙人致蕭暇牛鳴距我垂雙鐶
讀畫畫父日親展惜花花市時從觀拂衣徑欲遂歸計
水邊竹外臨柴關梅花道人逝雲水草庵那不繚心顏
目成之要歷年所神物入手天無慳惟王參軍最狂誕
騎牛擊劍招譏彈辭官肯遊狐兔窟健句獨比鵠鵬搏
尤於畫梅寄標格臙脂沒骨暮吳紈金張許史供一唾
聲價要自傾長安吁嗟此圖更奇特鐵皮瑤蕊光爛爛
綈龍蟠雲吐靈氣無首無尾神中完橫枝詰屈影湛湛
繁英歷亂香漫漫吹將鐵笛斷相續栖來翠羽啼初殘

似晴非晴雨非雨混瀼元氣渾無端得毋玉妃昨渝謫
姿制一一翩嫋姍月掩瑤臺夜遼落光搖銀海春闌珊
昔賢涉筆事遊戲亂頭粗服殊等閒梅君全相妙鬢髣
摩挲三嘆驚艷頑吁嗟乎哉梅花王不可班梅花屋不
可還拍手大叫梅花王王句王又有自題梅花屋詩寂寥寥冬心滿襟抱配成清
供邀古懽不然騎驢誓將去細嚼萬朵忘朝餐

崑山謝仲和墨竹

畫家畫竹若無竹烟雨迷濛翳晴旭石公於竹稱素心
磊砢嵌崎聚成族江南謝老風流最肯使文蘇擅場獨
壁間天矯凌蒼龍腕底瓊瓈削青玉卽如此圖挺奇秀

竹無幾叢筍無束轉因矜貴見天然瘦影凌兢漲寒綠
一竹稍俯一竹高節節枝枝看難足斜如翠袖迎風颺
整如鸞尾分行蕭疎如紗格森羅密如錦襯脫簌簌
竹間石骨標峻嶒石上竹心露節目竹有未盡石蔽之
除是幽蘭伴遐躅馬曹獻咏興欲騰米老顛狂拜相屬
烟江二月雷發聲傍水人家枕冷渌勾萌一夜抽貓頭
三尺長鐃帶泥劙劙北舍拂茅檐瑟瑟南園隱花屋
羊求三徑來過從淨埽苔衣放某局此君小別動經歲
那便抽簪事樵牧渭川千畝封未成巧使墨君更醫俗
後來二夏其亞流玉峯澗是質質各聞君京邸饒艱材

葉露梢烟滿車軸鎖閑昨歲秋氣深醉染雲藍泡蓑幅
編修嘗於閣中作藍竹要知能事多得師竿頭日進語非諦酌君
縹碧勸君飲日暮天寒太帳觸莫嫌飢鳳長簫條問取

平安竹枝曲

賀蘭

賀蘭山外碧油幢領繫重重鎖畫牕擢髮似聞丹仗數
陳尸猶見玉棺扛鑄成一錯終颺敵障在三生始殺降
孤負盛朝推轂意十年遺愛論南邦

陶然亭晚雪同素軒力農訂寒食後遊

高鳥遺好音罷飯恣行樂樂行將邀懽入境莽蕭索隄

廢沙亦崩寒鹵積荒漠或云攻皮工於此刮膚膜坐令
土不毛慘澹語櫺鐸金源舊窯廠利用建臺閣此亭僅
百年戢戢聚行腳頗遠六街塵長日事絃酌消夏信有
徵辟寒會安託我儕勇冥揆竝載蹄盡御顛風揚簪灰
兩眼病如驩同雲一以升春裘悔單弱王師方西征
鐵衣警金柝豈無大梁公夜走城營研拓戟歌正酣驚
起數籠雀鞞鼓吾欲催仙杏蟬紅萼

西苑直廬見王述庵

昶褚筠心廷璋

倡和詩次

韻戲韋約軒

謙恒曾習庵仁虎

天半雲璈曲幾終碧紗詩暈繚垣紅韋公畫戟曹公槧

不到奚囊錦段巾

如麻官紙界烏絲禿盡中書畫影遲
欲乞閑身過穀雨
房山綠遍牡丹枝

筠簾木几映篝燈一笑宮人冷似冰
賴有高車分豹直
往來同學打包僧

雨坐懷海上諸子

珥筆登國門
暮年別鄉土
山光來自西
油然暗春宇
嗟我違故人
音塵太修阻
不如北地雲
往爲南中雨
芳池沫潛鱗
茂林振綿羽
萬族各有偕
離羣黯無語
輪蹄喧大都
花藥淡幽塢
倘懷京雒遊
縕杜或停撫

寒食海澠道中

破帽疲驢笑拂鞭春城纔散五侯烟芙蓉塘外輕雷轉
幾陣香車上墓田

魚尾晴霞燕尾流
鞶庭院綠楊稠酒旗一角人千里
不解金龜不破愁

潭柘春游夢未成
漢宮傳蠟又心驚
風箏略似蘆葦草
吹到江南第幾程

朱樓大道闌繁華冷
節匆匆昔憶家
草長鶯飛三月候
無人喚賣擔頭花

鶴嶺送包米

月米詔東方新秦久不嘗連包疑榆柚解裹見餕粧轉
漕從南舫加餐勸北堂此情逾乞米何德報馨香

泉之自楚至京邸

剝啄聲連哽咽聲披帷捨地痛難名終天心事如陳死
遠道風塵太瘦生換後麻衣同敝罔病時絮語尚分明
中男到後應暝眼六月雙扶一旆橫

宿遷夜泊

零落麻衣候算舟鍾吾城外小勾留露潤夜氣明於旦
風助河聲壯欲秋綠葦長芟官闢廠白楊細柳戍藏樓
計程唱遍江南好獨倚疎燈照客愁

夜過淮上

珠斗離離夜近闌
河橋無影霧迷漫
魚跳遠渚驚殘月
蟲背孤邨訴早寒
浮世總隨風景變
近家始信道途難
隋堤官柳多淒緊
怪底歌聲遙畫欄

吳淞舟夜示泉之

歸人嘆無寐
抱影對風漪
暑退蟲翻怨潮生
蟹預知飛來一丸月
話及四更時
世事浮雲幻迢迢
丙舍期

胡上舍秋江鼓櫂圖照

釣公愛結松江宅
瘦馬東華竟十年
準約水仙並來往
鱸魚香近稻花天

林湖之南烟滿林橘葉翠花秋遠心樵風引入碧天去
中有櫂歌何處尋

船尾船頭埽座頻琉璃平頃夢離塵持螯手是支筇手

又作秋山采藥人

錢塘初發

江路西南未扁舟意不忘半生魚逆水孤夢鳥隨陽敗
葉紅然岸飛濤白漫塘越山青數點吾贊媿蒼浪

月夜抵富陽

蒹山繁暮青人影在江上來江楓相林清淺映廻漾微
波寫羅羅大地圍盎盎沙頭眩虛白膠杯復誰傍誰邊

疎火生纘斷汎漁唱新安好山水首路喜無恙雙成并
蚤煙升西宅徒曠感築亟相聞寒流枕招帳

富陽

短櫂棹亭外臨江勝賞紅沙寬明桕葉潮流冷斷鯷魚畫
訣間從悟山心靜與居一灣越岸轉前去定何如

入七里瀧

赤亭戒方舟春蠶臥幽翠撇璇逆浪行票姚晚風利雨
亹導千磽九淵束孤隧前峯引相綿中谷入逾銳迅悍
絕旁趨辱顏悅下墜窺篷微鱗天聽獎虛殷地繡林冠
陽厓錦石布寒汭滔滔渠春轉歷歷徑樵閉懷新旣移

眸戀故或轉睇悟彼智仁樂繹茲良坎義誓將桐君隱
欲從嚴陵逝鼎鼎感浮塵消搖遣煩累

桐廬夜泊

桐廬真僻遠想像戴公居隱蹟六朝上鳴瀧七里餘人
家收相實沙吏驗春車宜有山棲者礬頭寫讀書
東嶺上微月始知山亘橫幽輝射篷隙見底一江清曾
讀狂奴傳兼懷節士名兩臺雲木影扳坐遲平明

九日西臺懷古

如此江山外輕帆入太陰黃花陶令節朱鳥謝公心
晞髮從遐尚招魂失故林一枝竹如意悽斷不成音

胥口

水轉山亦從松門銅深墨陡落雞犬聲離聚在巖壁夤
緣躋上頭跟肘互爲力目窮放舟處倒壓未崩石斷無
魚鳥游頗有虎狼跡百灘知東行放膽與之逆一舍成
淹洄川梁嘆安適羈心吾日滋跂望沒歸翼

嚴州晚泊

建德非吾土斯言愴孟公如何漁浦夢仍遶釣壇東郭
轉雙峯合壘高一瀨通自厓吾未返江上怨青楓

汝步

枯林圍敗橐孤檠就郵烟蘭性移盆感鹽精裹箬偏看

山宜此地爲市記何年指點如羊石金華是洞天

上灘

客行石上水舟漏岸不輟舟中水較多江底水欲絕水壯石猶狠水殺石逾劣萬石圍寸灘如木堅多節波臣千里來奈此鷺卵裂巨者蹲狡猊與水競蹄齧相持驚怒雷一決遽凌瞽我舟剗木爲齒齒就危瓶齊作過波聲三版付雕鏕涼秋草木彫鴻雁浪音歛新險試輕身惶惶汗漿出

龍游

林橘變清霜灘灘響碓牀灘魚無一寸林雁有千行姑

戎雄封盡龍邱隱蹟長自憐風帽杳渺隔錢塘

衢州多橘林感寄泉之

秋色無高下懸金顆顆明他鄉逢社橘此味敵襄橙懷袖嗟難待封題計未成駢頭宜薄采陸吉爾何名

常山抵玉山作

越角吳根帶驛樓故園萸菊冷颺颺生憎六月蛟潭水不漲寒江尺五流

一囊一篋擔夫謹錯認還鄉四望車上得竹兜高似馬

半看山翠半看花

十里亭連五里亭亂雲無數簇圍屏誰知紙閣蘆簾夜

鴻爪分明落草萍

兩厓紅膩收楓子五棱青肥長麥人欲覓渡頭船不見
鷗鷺簿上曳殘鱗

宿鉛山

畫角聲催晚歸林亂畢逋灘光瀲縠雨院影上鵝湖清
切佳兒公文夢荒唐道士符大牙江戒古悵望夜燈孤

小箬望寶峯山

野水渡西東巖姿四照同一峯懸玉斗千仞碧玲瓏見
說山亭上能令雲路通自成不可卽惆悵倚孤蓬

安仁

餘汗千折水水盡白沙偏臥犢枰櫛徑鳴雞諳蔗田嘉
名誤潘縣小夢惹吳船行旅還相問華山阿那邊

龜將軍廟

介蟲三百有六十其元血食宮亭濟澤吻磨牙四百祀
揚靈不數龜山神佑之八面禁風力崇之一瞬填鬼燐
玉鎮貝壇峙遺廟丹雞白犬通明禋牛其腰圍虎其首
想見骨節專車輪流聞真人起濛泗武昌鼾臥天爲瞑
決勝尚期金水犯探策或與顚仙親是時將軍擐甲胄
約束萬怪無猙獰艤船未聞項籍返御袍已報紀信涖
難星芒角亘數丈鏖戰忘卻寅與申是時將軍役鬼部

御舟進退如浮鱗人言交鋒呂梁日呵護攸賴金龍馴
番陽之厄孰所脫康山十廟祠忠臣將軍毅然識天命
棖艤隻船微化身孝陵松柏雖隔世褒封長此邀主綸
誰其友哉槐將軍正面長拜睢陽巡韓左司有詩
山神女歌

滕王閣

烟火連霄水榭浮君王遺構冠南州天垂廬阜青紫髮
地裂宮亭白汎渾畫蝶有緣金粉盡呼鸞何處玉臺留
高文一代王韓在江郭蒼茫獨繫舟

豐城

少陵短歌行贈王司直
豐城人

百花洲畔月苦竹嶺邊雲且聽鵠鵠去相依鷗鷺羣江

聲圓浩浩獄氣點紛紛抑塞玉司直狂歌不可聞

樟樹鎮王文成

聖師處

中丞仗節草江上伐叛飛書四郡聞臥壁條侯真破敵
行營裴相故懸軍朝堂水火覘心學祠廟圭卣策戰勳
大樹飄零人一去備胥長日擁風雲

新喻雨泊

水驛羅谿近冥冥竹霧滋壤橋櫟舫代破屋覆櫻爲積
潤篷添重將昏爨故遲瀟風送瀟雨孤負綠蓑披

鈴山

鈴岡書院傅炎趙誰使山靈垢至今天上青詞回笑語

人間自簡助悲吟徒遺惡獍成懸首對欽鴟起戒心
十載清名羞萬古袁江流影代黑眉深

昌山洪閣城君廟

廟有重刻盧肇記秦時溫氏媼懷水濱巨卵
生一龍後偶以刀傷其鱗龍遂去媼死龍歸
爲人形就苴絰又以媼葬地爲水所侵一夕
風雨徙至高處按此事見晉太康志許渾亦
言康州悅城縣有媼龍隨船至人家或千里
皆以香果酒送之其由來古矣

楓樟如毛夾官渡兩岸元陰黯沙戶黃罿守隊緩獻林

一角靈旗漫烟霧行人蹀馬闌燭光金鈴火獸羅兩旁
徑從大巫乞杯珓瓊珮颯雲吹廻廊廊前碑材失唐蹟
秦女秦娥媼曾識辭繞抱甕本何心巨卵團團手提得
一龍蜿蟄生鱗而投懷遶膝無不爲恩勤詎起刀礮怨
決起先隨霹靂馳一朝媼死埋黃土有物烏烏淚如雨
纔化人形就經衰旋移馬鬣封堂斧鳳聞溫媼居端谿
太康之志吾能稽轉沙成墳得母是升香果酒交提攜
轘轝東來祀龍閉媼也爲靈享虞祭當時湯餽數茅焦
異代杯羹慙赤帝我亦博博素鞞人何年鹿兔伴孤墳

聊尋楚客三閭路一誦盧郎八米文

宜春

讀書志袁州孚惠廟錄一卷
乃張憲所記仰山二神靈異

百里西京邑茲州遽姓袁臨風緬高士暝色下荒原壁
破杉毛補田高竹筍翻仰山秋社求古徑散雞豚

瀏陽

嶺盡復經川漁商一櫂便亂流楓浦外勝蹟鷗亭邊沙
磑嘵啞轉神祠狹狹連爲言瀏水小不竝九江傳

長沙縣齋呈家叔

絲渺湖湘奉檄飛相逢無語淚沾衣愍孫顧影悲哀喜
猶子尋蹤出似歸莊上梧桐懷世澤階前芍藥感春暉
長沙身到非遷客同爲鄉園詠式微

長沙王吳芮廟

漢祖龍興日番君附末光提師糾百越啓宇介三湘英
布誅還免梅鋗將特良關中聽約法核下助推芒遂徙
衡山鎮眞封異姓王丹書照赤帝繡壤割朱陽南粵華
夷判東甌伯仲行雖居卑溼處常企日星旁地小機鋒
靖祠成肸響將金精人縹紗石鼓調寥涼在昔當塗亂
微聞復羨戕服留端冕貴體較裔孫長磨滅孤忠在沈
縣五世昌茫茫塵郭裏寫自弔興亡王爲英布妻父布族誅王不與其難

周梅圃送宜壺阜英

春彬好手嗟難見質古沙翁法尚傳牆箇竹鑪蕭寺底

紅囊須淪惠山泉

君住揚州阜薦橋十年罷聽玉人簫憑誰料理春衣汚
漲到黃塵淚未消

時周
岸亡

漁家清宴圖

輕舟依落霞一夢入雲水晚山有餘妍淡墨點清泚愛
此菰蒲叢中有釣家子收綸夫奚求洗蓋聊自喜相見
一招呼脫略忘彼此望望青楓林美人杳無已濯足楊
清歌徘徊訊烟波

吳學使雲巖鴻石闌點筆圖

扶輿氣清淑竹箭敷東南華芝旣云秀九莖紛參互持

之貢齋房煜煜神光合
作歌告郊廟盛德昭沫涵
峩峩尉陀臺鬱鬱虞翻宅熒熒明月珠十光照瑤席青
童海上來言導仙靈蹟倚歛羅浮巔煩襟庶消釋

百蠻昨移節杳靄重湖陰方舟我來適氣誼超重深家
門溯觀樂風雅鏘古音煌煌珊瑚枝茲筆公其任

吾慕浣花翁石闌伴清絕園亭旣幽虛水竹復清瑟撫
圖愛景光眉采明流逸儼彼五岳形崇名以爲質

爲蔡上舍題葉四應龍畫菜

菜把初分菜甲披太嘗生世一齋期停杯忽憶谿園好
如此風光付阿誰

秋韭春菘美若何鵠紋綾上墨痕多不妨戲詭留公案

一唱西風菜葉歌

酬武陵朱景英幼芝

美女游漢濱傾城照袵服含情解珮璫晚在幽獨非
不希自媒守身貴如玉東鄰嫁專城妖冶動鄉曲始合
終亦離莫洗獻身辱卻立東西廂綿綿眷芳躅

絳雲麗霄漢舒卷頗自如仲尼哂牛刀陳義良區區吾
觀文學選每爲循良儲八闋萃文藪各各懷璠璵君行
武夷曲要眇仙之都復來麻沙鎮銳意徵遺書譬諸入
槐市禮樂器有餘峩峩方縕袍五老時相於林蒼歲冷諸公

冷堂上琴矯矯雲中鳬誦言仕優學此效收桑榆
楚風雖未采周南錄江漢朗州維大藩荆湖挾壯觀士
族繩蕃滋兵氛痛流竄君生屈宋後努力剔叢灌訛經
亦紛綸括地更條貫手掇芝蘭英沅湘森以漫余至君
亦行翹合悵長判他日懷道言理絃媿三嘆

鐵瓢道人歌

古瓢團團熨寒玉一勺滄波溜晴綠蒼龍抱影蟠水雲
白虎揚精貫厓谷天漿倒瀉春溶溶一酌再酌魚喰鳴
坐令蒜髮變霞臉鐵君何必非壺公道人不解六州鑄
瓶鉢垂垂鍊丹去舉頭高叫炮媧星信手千金挂谿樹

陳孝廉雨牕夜話圖

北風生夏涼夜氣集虛谷清響何寥如疎雨滴修竹池塘半畝餘中有隱君屋焚焚耿一燈款款戀三宿遙遙瞻河漢此意與誰告誼友懽平生情話起相續願言行入山秀色引朝沐無寐枕流波泠泠眷幽獨

顧上舍梧桐秋思圖

明玕高不極一葉墮幽襟紺髮散秋影石牀清道心君家滄海曲小泊洞庭陰松菊歸來否悠悠抱玉琴

嵩坪南齋種花圖

塵勞非夙心虛門掩苔色薄倚東軒東或臥北廡北南

齋數弓地永日少人跡曉來單袂涼微雨潤松石斐然
見華滋生意此安極繩惟齊民青地利造纖悉種花若
種苗荷鉏眷幽寂俛仰機愈靜童冠興不隔日余促刺
多無與數晨夕風信終自佳花南展茅席

白華前稿卷第三十一

南淮

古今體詩南船集二

上章執徐

雲巖學使遺緬茄核

洋頗黎鏡石螃蟹助公赤水珠探驪南方草木更靈怪
茂名植此綠山蹊方秋結實樹百顆掇取未假扳唐梯
剝膚剔髓核始露晶壓相瘦卑瓠犀爪之不入發铿響
以摩左右眉棱低色如松煤奪金絢狀若蘭栗芟華移
得毋乖龍隱雙目華陽一抉風雷悽緬爲禪國隔瓊海

兼越金齒包雕題一從潘仙妙游戲移種初不憑輪蹄
方瞳映采看人世荔枝荔葉紛萋萋維公仗節瘴江外
睂眼無復紅紗迷麻茶欲勸吾得此君山湖上窺端倪
橐駝背腫託聞見呼作荔枝真鹽雞雖然市駢雜真贊
其顚點穴堪參稽目盲五色古垂誠稱名毋使癩荔齋
碧眼胡僧倘相識一刮蚤勝黃金鏡

賀齋風泉清聽圖

昔聞逍遙公今住逍遙谷花露滴芳寒荔枝水雲綠
漱漱延清聽樓遲賞妙姿何當望衡去而寄相思

南國榮芷蘭幽香被廣澤縱無秋實期春華世所惜美
人通蹇脩徘徊日云夕超超契神理孤影抱青壁雞鳴
念風雨軌手慰疇昔相見苟相親一言固金石遭擯非
自今觀化信吾適嗟彼卷施草不采更狼籍

時文經義餘其言稟先正操觚苟率爾鄙倍害斯競吾
弟昔南浮養氣少寧靜多君振緒言手攜而猶命聞當
操觚時貌恭而德盛卽此眞意多沖養在情性清廟奏
朱絃末由勤良聽坐見數青峯微雲太空淨

畫扇雜題

竹墩諸葉數風流親泛靈查大九州卻寫吳興騎馬處

淡烟疎雨白蘋洲

沈銓蘋洲秋思

東莊高士性迂寬建德清遊似夢看一闊烏篷三月暮
畫眉聲裏下嚴灘

王昱春江放艇

漁父臥水花橋暗牧笛橫風草陌熏一種相思忘不得

謝家園扇敬亭雲

梅士棟敬亭雲氣

載酒澄江事已非波濶與浸釣人磯文鴛翠羽看無分
檢付西天壞色衣

僧道真水墨敗荷

嶽麓

尋山先渡水水外幾峯青一脈趨喬嶽孤光落洞庭濤
松風瀉磴岸芷月闌汀沈杜留名處吟猿細聽

張穆明皇六駿圖

五花滿身汗滴紅駿足怒走雲而風飛香六輩勢騰蹣
誰續博物開羣韓鐵橋道人愛神駿使筆如馬馬如龍
一匹袞塵兩匹訖旁有兩匹驕嘶同其一顧影理風鬢
駱驛都有奚官從高眶賜映青鏡灰攢蹄轔壯金勒鬆
臨淄大王本龍種初政邇勉勤清鐘西域天馬歷無臯
毛仲監牧屯肉驥此駿卻從大宛得象背譯貢來重重
曹韓師弟氣羽喪房駒星精光奕熊人間禡福倚寒馬
漁陽突勁臨關中王孫斷鞭泣野老荔枝飛騎塵埃空
豈無青羸萬里走蜀棧板牀妙舞難爲容嗚呼太原公

子真英雄昭陵六象高龍從古來守國不特馬申鑒一
二驚心賀

益陽酬張質齋

庚

山徑緣迢迢孤筇遠去樵柴門連竹隱松艇隔花招縣
僻官差服和輕俗易饒吟樓照漪水須把玉琴調

沅江

一族魚鱗市居人指縣門紅利吳俗賤自芷楚騷尊酒

緊歸湖緩沙明帶漲渾壓江城未起愁聽水鳥聲

次韻送邵編修叔弓

齊齋

自粵歸常熟

正說離支熟君何下瀨還湖蒸青草閱秋送白賓間粵

女珠邊浦湘靈瑟外山行藏樓一倚合住五湖間
小隱鄰平谷田瓜五色凝鱸香生短艇雁語入孤燈詞
賦先型在科名後輩增自來遷客地相送易沾膺

黃茅驛曉發

肩輿昇殘夢月落夢亦醒虛白迴巖鑿幻作濃氛蒸不
知石間路但辨松際聲林鳥解迎客蕭蕭飛兼鳴聞香
淡無際人境含餘清日蓮在籬落露重盤猶領暗泉吐
瀉瀉新水流泠泠悵落畦稻間巾袂洒一清暑程易貧
曉雲蔚能無情朝日上東嶺言飯衡山城

岣嶁碑

湖南貞碑費響拓嶽麓寺與浯谿齋孰客夏王竄謫典
天假神物留荆蠻七十二峯鎮峒嶺火維燉爚靈之還
庚辰親授表荒弼鑄鼎不復逢陰蒸雲根氣日奪金彩
石髮濱雨浮花鬱羣眞來朝代撫護五蘿曜化星斑斑
何緣落影蔡侯紙朱鳥努啄豐毛灑神寒骨重入耳貴
橫施巾斷分行艷我聞山德不矜伐鐫功底事披茅菅
碑以麗牲樹祠廟大書深刻皇未嫋嶧山秦山體始創
贏顚劉蹶皆癡頑元圭自錫宛委墮蒼玉那撼靈威鑠
卽如會稽植芝石証有赤字垂鱗瑞退之好奇肆搜索
事嚴跡祕梯莫扳道人獨上偶然見此語曷足砭塵寰

釋文四家起何代孤離附會詞當刪古文中東高閣
捧土謂塞盟津潺潺侯述書獨遺此輦致焉用牛蹄殷
喜其形體劇精整每使畫壯窮廻環玉簡祕文白馬享
羽淵枯淚黃能潛微子洚水切飢溺巡陟正夏稽虞鰥
猿猱深樹夜噭噭鷗鵝幽嶺晨喧喧一碑百吻辨眞贊
嗟爾空復高騁顏縮摩論世轉惶惑以潛天柱爲衡山

得家信

意外逢黃耳平安字未磨尚嫌題挂漏翻覺到蹉跎遠
使沈浮易他鄉感慨多殷勤置懷袖一日三摩挲

石鼓山六詠

十鼓尊岐陽存九失其一何年化爲山負贊江出雍
雍祀袖徒勸學事佔畢

右石鼓書院

雜樹叢濃霏雙流鬪寒綠亭皋見江底點點撈蒲局有
時晴望開五峯秀雲族

右合江亭

巖扉因自然鍾乳滴蒼洞洞真乘不來題字密無縫無
嫌牛後譏仙鼠費迎送

右朱陵後洞

西峯蔽東日而何谿是名其下帶烝水其上拂風亭發

與挾苔躡鳥污流石坪

右西谿

陂陀如伏蠶出奇擢仙掌巖姿秋颯然湘岸打雙槳誰
歌欸乃歌日落四山響

右東嶽

五賢麗五星聚奎粲可數因循成七賢把臂列堂廡豐
川何代儒我欲叩桑主

右七賢堂

回雁峯

曉瞰湧宿霧萬象幻陽昧孤峯蟠火維嶽路首南戒超

然振風翰身出亂鴉背千丈循石梯三折上金界餘峯
七十一一一走江介矯爲赤龍翔聚作紫鷺對差參萬
廬井江影細繁縝帶高標納羣媚湘東境斯隘沙門壽無
量幾劫闇人代僕賣射陰飄有衆效膜拜雁賓非宋鶴
焉肯自郊退靈區競雄長故實多附會舉袂翻天風前
山雨澑澑

歸抵衡山雲巖學使約登祝融看日出會他事
不果

絕頂朱陵限翠微沙頭吏候停駢年來腰腳便疎慵
恰與衡陽雁退飛

興盡船迴調不孤平鋪風簾細傾壺
祇防好事人嗤點偷寫湘帆九背圖

秋雨連宵潤石苔不煩默禱見雲開若教身到廬山裏
那識匡君面目來

聞道天門訣上征扶桑夜挂九枝明龍宮海日尋常見
卻使吳儂傲楚儈

送陸慶波秋試歸杭

綵筆驚辭屈宋鄉與君照影共清湘試沈朱李陪吳質
忽唱斑駮送陸郎畫棟珠簾江上路龍宮鶯嶺月中香
明年此日看花會目斷音塵慰屋梁

南嶽配朱鳥得朱字

星鳥尊南斗名山協瑞符去天如太白得凡日灘朱銜
曜黃輿麗垂雲紫蓋孤龍身廻微嶺鵠尾絡荆吳影共
湘流轉文隨禹蹟摹贏糧禽夏遠秉瓊祝融趨積氣滋
斑竹成形化赤鳥砂牀君試采寫奉嶽靈圖

竹兜

截竹芟枝結縛牢青絲絡腳版承尻遞無四壁看山便
挂有雙瓶對酒豪上去笑同驢背穩坐來驚似馬頭高
他時準入陶公社欲倩門生昇幾遭

重遊嶽麓寺

嶽圖矯如龍數百里騰伏一支負地陽筋骸得所東我
循回雁來雲影蕩心目入山雖不深摩頂躡其足日冷
交青松坡荒緣苦竹蒼山靜無聲隱隱振茲讀卽以勝
賞論亦可壓白鹿清湘島下流溼翠村前沐拾橡隨狙
公行勝路差熟起逐道林鐘繩牀夜期宿

沈洗馬宗敬烟江帆影卷

清簾疎簾護綠蕪豆花棚底雨模糊無緣乞與湖南紙
寫御瀟湘八景圖

岳陽樓迴洞庭寒萬里商聲木葉乾憶放三高祠畔艇
蘆花明月蓼花灘

誰伴王孫桂薜蘿彈琴采朮老巖阿山栖也是幽人分
懶對疎汀著鷺裘

二沈雲間鶴田羣清門父子共能文饒他疊嶂烟江手
吟到腰圍瘦幾分

湘陰

水緩三潭淨孤城枕綠漪市烟羅子閟陰火左徒祠候
雁依沙急吟聲怨曉遲此鄉魚計美不必問官私

汨羅江

北風吹水立山鬼晝聞語憂來浩無方熒聽邇孱主公
族冠景炤寄託重心膂沈淵葬魚腹招魂劇酸楚至今

起哀嘆風俗競筈黍夏首血汾陽畢命亦吾土九死心
既專一篇意彌苦長湖波滔滔平沙夜莽莽二江繫合
處慘怛戒津故猶有滄浪漁破艤出烟鷗

郁雨堂姬人遺粧

薄病輕愁水不如埽眉人在對門居桃根桃葉天生好
枉度秦淮夜色虛

玉敘恩重昵褫紳服散清齋迹未真記取玉羅魄格影
銀缸斜背照雙身

白門淺柳閣輕寒丁字珠簾亞字闌學得玉簫沙蠻死
影堂今日大家看

十里歌鶯滑板橋
鸞離鵠去可憐宵憑君漫洒青衫淚
多少風流送六朝

南泉寺

南泉山幾轉蒼靄入雙林敗葉秋微脫酸蛩書獨吟地
遙孤策緩風定一鐘沈莫厭名僧少能言屈宋心

黃陵

黃陵山上黃陵廟帝子遺蹟孰是非歲有巡方稽五月
人言葬令殉三妃蒼梧雲氣沈孤嶺斑竹啼痕泣夕暉
湘水迢迢何處問寒塘淺草鷓鴣飛

磊石洞庭神廟建文二年鑄

湘陰縣東北三舍高浪怒與乾端塵有山四凸鎖其口
與水搏擊生漩渦怪游雲物刷擔攬維神端冕垂青綢
紙錢絳緯陰寶祕翠旌獵獵風竿多岳公瀆侯載常祀
廟號亦足驚皇廟廟來默禱冀神貺兩廊鐘鼓鏘鳴和
東廊之鐘更雄特中容百石紋盤螺建父紀年革除後
磬治敲鍊存戈波真人一祚起淮甸手奠鐘虞維山河
沖人嗣國政無缺沈理秩望馳交河景陽樓前報清曉
恬熙上下登旅禾於時金沙廟先祀道人有道移高坡
三千帝釋衛龍象八九雲夢兼彭蠡功成志喜詔鳧氏
林鐘銘語爭鬼峩帆檣職貢達王會牲醴肸纏驅天魔

千秋萬歲保眉壽神功帝力長爲呵豈知暨儒誤人國
祥金羅治夫如何袞龍蚤間化回祿烏鵲焉得朝牂柯
遺民私祭淚流沫史臣執簡詞媿與此鐘有靈抱遐恨
不逐高燕歸鎔磨僅偕霍山廢碑一天荒地老纏藤蘿
文云守令迄丞尉以次助鈔相網羅磊石驛官其姓顧
堪補掌志參羣謠唐時南嶽九真觀一鐘破壁飛蛟鼉
此間下臨洞庭水毋令變化穿禪窟毘嵐小劫四百載
薊子那不悲銅駝開平金甲等珍尚响噭赤字同摩挲
長陵遺鐘覺生寺見者一唾輕玄牕悽然憑弔浩呼洵
陰陽鑄炭遑知他叩神風便十餘日清宵夜落寒山阿

南嶽志唐乾元中九鼎觀銅鑄忽不見旋得之觀外池中其蒲牢已缺右足蓋與青草渡龍鬪傷此

中秋夜渡洞庭寄雨堂

銅盆灣日爛銀窓手引箜篌阻渡河惟有江東謝希逸推篷看落洞庭波

荻蘆淅淅響無眠漁火三更水拍天一等江湖狂杜牧阻風中酒問何年

慧川梧竹圖照

廣川無滯流浩歌無緩節方同瀏江飯復此巴邱別念子傾蓋初理翰始束髮萍絲一游楚放衙頗清越繁陰池館生淇影竹梧列朱鳳在瀟湘寵鶴照修潔所處雖

不常心期庶同轍源清流自澄安否混澗涅坐對琅玕
姿洵美忘言說方秋江上行木葉感微脫清勝疇與同
薄帷鑒寒月

洞庭湖

秩望遺三楚輿經長五湖淫淋蒸北夢湧洞坼南都辨
域星躔陷浮槎漢渚紆倒流滄海上蓄勢大江趨青草
埋雲壯蒼梧蹙浪孤乾坤浮一帶日月弄雙珠地阻三
苗特波長七澤輸錫龜陪橘袖飲馬靖若荷張樂軒宮
震傳書廟社孚沙寒平落雁風定遠迎鳥蠶尾稱名小
龍山氣象殊岳陽城下路決背待吾從

岳陽樓

渺門突兀壯南溟。百丈丹虹一客星。宿霧晝沈三界白。
驚濤騰浴九疑青。重重島樹圍荆野。點點江帆掠楚汀。
好在平湖天八月。灑蘭沅芷送芳馨。

君山橫翠隱層波。賣酒人家傍薜蘿。遠道風烟投鵠雀。
中天日月避蛟龍。典稽蒲坂巡方遠。怪涉錢塘破陣多。
爲問長蛇侵食處。如陵封骨近銷磨。

新隄

洞庭新出險。江店望如雲。遙蜃甘樹鳴。機白夢紋到。
門湖八月爭界邑。三分漸近題襟處。推篷倚夕曛。

赤壁

浩浩荆襄走駭雷
曹公曾此挫雄才
一江龍虎三分國
千里旌旗幾劫灰
折戟埋沙春溜長
飛鳥遙樹月華迴
片帆我是思歸客
誰挂東風出浪堆

嘉魚道中泊家

楚天澄夕陰
荻漲縮寒水
蓬門臨水開
歷落見田里
芋魁漸收鳥
菱角交猗忽
聞鳥雀喧
場有紅鮮
米老農性敦
願僅解辨
雞豕扶屐出
烟中荷蓑入
雲裏連岸長
稻孫一陌散
秋綺湖南歲云旱
風景恐無此
賓鴻翔自南
行役庶有止
飯稻復羹魚吾將
鉤中沚

泊東嶺聞歌

青楓渡口木蘭船如此江山老
彭蠡蟬聽到楚歌聲四起
一天風雨下晴川

大別山

二別如二方名與荆衡抗小山冒稱大功在扞溟漲精
非元武應勢與黃鸝向漢流下三澨洶涌少隄防卻從
波靡餘屹倚一夫壯併力吞大江礮激不相讓彈壓兩
瀆神朝宗肅圭鬯涼秋支杖登烟井射晴嶂飛鷺影迢
迢伏鼈氣行行黑栢今不存鐵鎖木難障南條尊三江
新義發昭曠陳司空說以彭蠡爲洞庭卽三江之南江其說甚辨千載思禹功若

芒起招悵

爲人題扇而誤書其名詩以解嘲

齋壁翛翛竹蔭虛數行蛇蚓遙崎嶇江湖名姓流傳易
里黨行儀晉接疎揮翰要同金錯盼發函如附石頭書
轉喉觸諱尋常有迂誤何時得湔除

鸚鵡洲

素車遠迢迢風湍壹何怒征橈慘不發釀酒古賢基福
生推遺狂北海盛延譽方其援鼓邏單絞體全露百年
憂患餘保身頗不惜能言學鸚鵡好膽豈惶怖魂游漁
陽骨魂復漢陽瞻暮圯洲亦積尋烟漁艇渡

王櫟門爲子覓鹽課船

四照明羈館神珠湧漢皋若爲投分晚終遺和音高古
誼要瓊風機心笑桔槔牛鑿復馬磨千載德同操

江郎兄弟石賓谷子九相見自衡陽道爾題襟好愁余阻水

長洞庭波信遠牛渚月華涼乞與租船坐吟情訶許狂

武昌懷古

左控維揚右雍梁朝宗江漢鎮衡陽周家班爵遙封子
鄂國分支競僭王八九澤奉從獵盛五千地擁合縱強
如聞貞靜歌游女雲雨何緣惑項襄

分鼎堂堂一世雄略憑帳下據江東父兄有榮歎能繼

臣僕雖稱幸未終鐵鎖盡銷偏霸氣錦帆曾颺大王風
從來吳獨依脣齒國莽荊州祀饗同

僭僞紛紜篡弑頻謬將草澤當楓宸時非逐鹿重稱漢
邑有鳴狐一姓陳陣底舳艤波沸鬱座間牀第彩旛霏
九家漁艇重湖險請看芷荷總滅身

箇籟青茅錫貢標楚鄉魚米盡即切 豐饒乾坤此處浮
南紀華夏當年限北朝好與歲時參古記未聞風詠采
輕韶胡牀小座塵埃遠遍數寒更月滿宵

黃鶴樓

南紀滔滔極望恢樊山鄖渚境全開白雲客見樓興廢

丹路人騎鶴去來三峽風濤浮霧檻兩城烟樹入春杯
樓空鶴去非佳句心折青蓮賞別裁

豁達雲衢俗太清楚天無際八牕明招搖翠被孤舟影
縹渺梅花一笛聲烏鵲南飛初月上大江東去晚潮生
雄風易散仙蹤杳萬里空餘澀足情

臥次過黃州

著屐徑須登赤鼻挂帆笑未泊黃州臨皋道士如相問
月小山高付夢遊

道士洑

昔聞崑崙奴入水飽蛟沫孟久晝船落膽爲西塞又

聞張志和魯公習酬對其地在吳興興圖遂附會危亡
道士磯不比散花媚天風吹大江峽影黑灑霧卸帆避
巖石三老凜夙戒默燒太平紙陰火照盲晦懸厓穴蒼
鵠決起勢洸潰衝波攫老魚奮與漁獫對模糊楓桂林
鳥汚自炯碎回瞻來時路數轉失山背草童諸佛頭未
了青可愛指顧到斷春笛材激虛賴

津源夜雨寄懷吳楚諸弟

楚火微茫楚霧明繩牀三處夢難成打蓬幾陣瀟瀟雨
誤說廡前落葉聲

富池甘將軍廟

滄流醜血逝泯泯百戰驍騰帳下身歿後精靈依錦纜
生前事業近黃巾折衝豪識沿江戍殺賊終須上岸人
傳說葭萌封墓永縱橫鴉陣此迎神

雨後重遊琵琶亭

雲氣微開霧氣連楚江風樹繁吳船重尋翠袖金尊地
一看黃雞白日天禮像僧殘香火閉拓碑人去土華鮮
多情猶有淋鈴響滴遍清商入四絃

彭澤北山觀音閣

天寒落風葉江氣涵遠清機舟就人境柳外墟烟升老
馬飯枯草孤鴻棲遠江路回山益瘦附葛心凌兢峻嶒

聳萬笏孕結無定形。盲風襲其罅，欲傾翻未傾。鬼工擲性命，鑿嶂安丹檻。來徑斷杵臼，前磴懸瓠棲。放眼得夷曠，兩腋翩翩欲輕小。山碧扶寸宥，宵宵揚神靈。旁挾楊葉洲，根蒂浮單萍。毫芒見吳楚，插翅盤空冥。浩州熟遊地，風阻今始登上山腳雙輶日暮烟鐘鳴。

彭澤晚泊

沙頭西照逝茫茫，病葉疎鴉柳萬行。好在山城新粉蝶，不留風雨作重陽。

斷續高低幾雁繩，蘆花楓葉冷難勝。江南江北秋如許，一抹紅霞是廣陵。

白小紅鮮爨火閒孤蓬斜湧溼銀堆小姑娘處如眉月
今照行人八度來

洛社

誰占香山洛下名芙蓉湖畔白鷗輕野僧倚艇晚求食
拂面水風紅葉鳴

過惠山下有感

十年前返秣陵遊喜近西風落帽秋松徑蘭塘九龍影
茶鑪酒幔二泉流地連都郭開圖畫候變朝昏起櫂謳
今日鄉關太無賴零砧斷角避扁舟

高自柄

景光長江萬里圖

練塘高侯今達夫漁樵草澤追孟諸當門圓泖肥雪鮀
塔影倒射金泥塗玉鴉义展長江圖蹠道儼乘龍鹿盧
濫觴崛峩包沫瀘象馬盪決衝蕩巫伏鼈大別南紀榮
約束百怪朝歸墟靈潮九派紛于于海門遠擢搏桑株
訛蕩上征羊角扶千斛萬斛中央驅長年虎毛虬者髮
廻飄颻鼓驚天吳君也窮眺清雨曠竦身獨時形空雁
足若沙鷺翹蹠跡爛銀綯作鱗紋鋪魚尾斷縠明鬚渝
船頭玉微船尾壺洞簾四裂聲鳴嗚波深月黑依菰蘆
餓蛟攫人如懷瑜劍具怒挺崑崙奴駕鵠鵠鵠鵠鵠鵠
窺人耦居猜亦無往年燕市尋酒徒名倡利屣挾琴道

井公負局爭鷙簫
窮停健兒鼓鼈胡笑控樞頭生馬駒
連鏹巧貫雄赤狐
朔風卷喉鳴鞭犧
生世不曳侯門裾
歸哉一別漁陽沽
嚙口欲吸西江枯
元龍湖海心膽鑑
黃神越章據祕符
具區宮亭超重湖
水仙來往浮以桴
旗亭妍唱非皇琴
而我服奇辭縛拘盤
穴竊咽聲終思
豐隆狎獵馳幅蒲葵若昔間灘鑠
鑠金焦子古靈所都
石城雄踞劄於菟
碗公影落三升觚
春壽忽拂鐘錞釤
彭郎前夕迎小姑
單椒蘋蓋抽華跗
映源廩雨交支吾
武昌楊柳青回蘇
茗亭黃鸝翩城闕
乞與仙者榴皮書
岳陽壯觀吟眺殊
君山一點蒼琪玕飛魂慘淡遊芥梧

密晉昏林號鷗鵠登臨繙古懷不渝漢皇射蛟空舳艤
曹公橫槊啼夜鳥醬流鐵鎖沈菱蕊金粉六朝飄梗蕪
麾扇擊楫同悲歎悠悠飛雁與落鳬披者獨速父娘隅
否卽端隱耕烟居勇圖作佛齊南膜坐閱涼暄忘且茶
中流何必干金瓠君言如響鼓答枹吾家東海頭奧區
乾坤倪呈驗噓靈槎傍日君不孤更出賦手追元虛

訪徐蒼林

蓬箬覆松舟停潮不自由鶴岸流別浦楓葉脫高樓熟
路輕還往遙情重贈投男兒多意氣珍重佩吳鉤